

ծաղկած մի ավետարան⁸³, մի այլ ավետարան՝ 1205 թվից գտնվում է սուրբ Ղազարի Մխիթարյան Մատենադարանում⁸⁴, և մի ձեռագրի նկարագրություն՝ Քորգոմ Գուշակյանի Սեբաստիայի ս. Նշան վանքի ձեռագրերի ցուցակում⁸⁵: Այս վերջին ձեռագիրը գրված է «հաւանաբար ԺԲ դարու վերջ»⁸⁶, և ստացաղն է Վարդան կրոնավորը «ես նուստ քահանայ և կրանաւորս Վարդան զփափագումն սրտի իմոյ և զյիշատակ հոգւոյ իմոյ ետու գլել զսուրբ Աւետարանս իմով աշխատութեամբ և արդեամբք, ծաղկի նկարով և ոսկով զարդարեալ, ի յիշատակ հոգւոյ իմոյ և ծնաւոյ իմոց, հար իմոյ Դաւթի և մար իմոյ Թագուհիի...»⁸⁷: Այստեղ հիշվում են հորեղբայր Գրիգորը և որդին՝ Պողոս պատանյակը: Արդյոք սույն Վարդան կրոնավորը մեր գրիչ Վարդան Կարենցին չէ՞ և Կողմա գրչի սույն օրինակից չէ, որ 1200 թվականին ինքը, իսկ 1201 թվականին Ստեփանոսը ընդօրինակեցին մեկական ավետարան Սարգսի և Ստեփանոսի համար: Արդյոք օրինակ տալու համար չէ՞, որ Ստեփանոս գրիչը հիշում է «զընտրեալ քահանայն Վարդան... զի բազում իրաւք աւանական եղել մեզ»⁸⁸: Հետագայում նրա անվանը չենք հանդիպում Ավագ վանքում, որտեղից հաջորդ ձեռագիրը՝ 1227-թվականին է պատկանում: Արդյոք 1202 թ. Ռուբն-էդ-ղինի հրոսակների՞ց սպանվեց ոսկեծղի գրագիրը, թե՞ մահացավ բնական մահով: Ավագ վանքի գրչութեան դպրոցը շարունակեց իր գոյութիւնը և ծաղկման հասավ հատկապես ԺԵ դարում, իր դպրոցով ու վարդապետներով⁸⁹, որի մասին մի ուրիշ անգամ:

Թ

Իսկ ո՞վ է Մշո Առաքելոց վանքում Տոնականը կազմել և հիշատակարանը գրել: Կազմողը և գրիչը իր անունը չի տալիս: Նա հիշատակարանում հիշվածներից որևէ մեկը չէ, բայց հիշատակարանում երևում է ոչ միայն որպես գրիչ, այլև որպես ձեռագրի փրկութեանը գործուն մասնակից. «նոյն եւ մեք առեալ զրաս՝ դարձաք երկնագումար եղբայրանոցս մեր», — գրում է ձեռագիրը Առաքելոց վանք բերելու առթիվ, իսկ վերջում՝ «սկսա կազմել», ապա՝ «զկազմող զեղկելիս և զեղբայրիկ իմ զՍտեփանոսն յիշեսջիք ի սուրբ յաղաթս ձեր»:

Հիշատակարանը ամբողջական մի պատմություն է, անշուշտ խմբագրված Եսայի եպիսկոպոսի կողմից: Գրիչը, որ աշխատել է հիշատակարանի գրությունը նմանեցնել ձեռագրի գրության ոճին, գրչության արվեստի վարպետ է կրել: Այդ ժամանակ Առաքելոց ուխտի միաբանների մեջ կար մի նշանավոր վարդապետ, որի անունը չի հիշվում հիշատակարանում, այդ անձը Քեոզորոս վարժապետն էր: Ներսես կամբրոնացին Տուտեորդու Թղթի պատասխանում, իր տեսակետը պաշտպանողների շարքում, թվում է նաև «բոլոր գաւառն Տարօն և որ ի նմա իմաստուն եպիսկոպոսն Եսայի և վարժապետ Քէոզորոս»⁹⁰: Եսայի

83 Մատենադարան, ձեռ. № 7734:

84 Հայկական մանրանկարչութիւն Մխիթարեան մատենադարանի ձեռագրաց, Ա, Վենետիկ, 1967, էջ 51:

85 Թ. Գուշակյան, Ցուցակ, էջ 25:

86 Տրշատակարանք Ա, էջ 667:

87 Անդ:

88 Մատենադարան, ձեռ. № 303ա:

89 Հ. Ոսկյան, Բարձր Հայքի վանքերը, Վիեննա, 1951, էջ 1—25:

90 Հ. Տաշյան, Ցուցակ հայերեն ձեռագրաց, Մատենադարանի Մխիթարեանց, ի Վիեննա 1895 թ., էջ 334: